

校註婦人良方

宋 臨川 陳自明甫良編輯
明 古吳 薛 己立齋補註

鄞縣 曹赤電炳章圈校

卷十九

產後乍見鬼神方論第一

產後如見鬼神。或言語譫妄。皆由血氣虧損。陰虛發熱。或瘀血停滯。以致心神煩躁而然也。宜以調經散治之。

愚按前症若敗血停滯。用調經散。若血虛發熱。用八珍加炮薑。若心血虛損。用柏子仁散。大抵此證。皆心脾血少所致。但調補胃氣。則痰清而神自安矣。若果係鬼祟所附。卽灸鬼哭穴可愈。其或不起者。多因豁痰降火。攻伐之過也。仍參卷產後諸語作見鬼神方論

附治驗

一產婦患前症。或用調經散。愈而復作。仍復前散。益甚。痰涎上湧。朝寒暮熱。余朝用八珍散。夕用加味歸脾湯。各五十餘劑而愈。

調經散 治血虛經閉。心神煩躁。渾身疼痛。或時見怪。

沒藥

琥珀並細研

桂心各一錢

芍藥炒

當歸各一

細辛半錢

麝香少許

右爲末。每服半錢。薑汁溫酒各少許調服。下卽愈。

柏子仁散 治產後元氣虛弱。瘀血停滯。狂言亂語。

柏子仁

遠志

人參

桑寄生

防風

琥珀另研

當歸炒

生地黄焙

甘草炒等分

右用白羊心一個。水三盞。煮清汁七分。入藥五錢。煎服。

附方

八珍湯

加味歸脾湯二方見二十四論 鬼哭穴見六卷第八論

產後心神驚悸方論第二

產後心神驚悸恐懼。或目睛不轉。口不能言。乃心氣虛而六淫內侵。診其脈動而弱者。驚悸也。動則爲驚。弱則爲悸矣。

愚按。人之所主者心。心之所主者血。心血一虛。神氣不守。此驚悸所由作也。當補血氣爲主。仍參三卷第十論

附治驗

一產婦患前症二度。服琥珀地黃丸。局方妙香散。隨效。再患服之。其症益甚。而脈浮大。按之如無。發熱惡寒。此血氣俱虛。余用十全大補。加味歸脾二湯。各百餘劑而愈。後遇驚恐勞怒復作。仍復前藥而安。

琥珀地黃丸 治產後惡露未盡。胸腹作痛。或小便不利。

琥珀另研

延胡索

糯米同炒

當歸

各一

蒲黃

四兩

生薑

用銀石器內

生薑

各乾爲末

生地黃研取汁

生薑

各二

兩

研取汁

留滓

生薑

用銀石器內

生薑

各乾爲末

生薑

各乾爲末

右爲末。煉蜜丸。如彈子大。每服一丸。當歸煎湯化下。

治血虛驚悸少寐。及產後敗血停留。少腹作痛等證。

辰砂另研

琥珀

沒藥並研

當歸爲末

右爲末。每服二錢。空心日午三次。用白湯調下。

產後驚悸亂語。精神不定。用好硃砂爲細末。酒調服錢許。

附方

局方妙香散

方見三卷第十三論

茯苓補心湯

方見三卷第十論

十全大補湯

加味歸脾湯

二方見二十四卷第四論

產後中風心驚方論第二

產後眼張口噤。肢體強直。腰背反偃。言語錯亂如癇者。此氣虛風邪所傷而成瘓也。

愚按仲景先生云。有汗爲柔瘓。用桂枝湯。無汗爲剛瘓。用麻黃湯。然產後得此血氣俱虛之敗症也。不可與傷寒例看。丹溪先生云。產後當大補氣血爲主。可用十全大補湯以補元氣。如不應。急加附子。更不應。是藥力弗逮。仍用參附湯。

多服。余嘗治太虛之症。參膏數觔。附子數枚。方應。

附治驗

一產婦患此。不省人事。言語妄甚。惡風寒。喜熱飲。形氣倦怠。脈虛浮無力。余謂血氣虛寒。用十全大補湯。二十餘劑。不應。又二十餘劑。稍緩。乃漸加附子至一錢。服數劑。諸症減一二。又二十餘劑。十退三四。乃去附子五分。數劑。諸症頓退。而安。後又發。仍服前藥。加附子三五分而愈。

茯苓散 治產後心虛忪悸。言語錯亂。健忘少睡。或自汗盜汗。

人參

甘草

芍藥

當歸

生薑

遠志

茯苓

桂心

麥門冬

大棗

右水煎服。

抱膽丸 治產後遇驚發狂。或遇經行發狂。

水銀

黑鉛

硃砂

乳香

右將黑鉛入銚內。火鎔下水銀。結成砂子。下硃砂乳末。乘熱用柳木槌研勻。丸

鷄頭子大。每服一丸。空心。薄荷湯下。得睡。忽驚。覺來卽安。妙香散亦善。

附方

妙香散 方見三卷第十三論

十全大補湯 方見二十四卷第四論 參附湯 方見後第六論

產後中風恍惚方論第四

產後恍惚。因元氣俱虛。心經血少。或外邪所侵。以致心神恍惚。怔忡不寧。愚按前症當大補血氣爲主。而佐以後方爲善。蓋風乃虛極之假象也。固其本源。諸病自退。若專治風。則速其危矣。

附治驗

一產婦患前症。盜汗自汗。發熱晡熱。面色黃白。四肢畏冷。此氣血俱虛。用八珍湯。不應。更用十全大補。加味歸脾二湯。始應。後因勞怒。發厥昏憤。左目牽緊。兩脅抽動。小便自遺。余爲肝火熾盛。用十全大補加鈎藤山梔而安。再用十全大補湯。辰砂遠志丸而愈。

辰砂遠志丸 治產後中風驚狂。起臥不安。或痰涎上湧。

石菖蒲

遠志去骨同

人參

茯苓神去木

辰砂各二錢

川芎

山藥

鐵粉

麥門冬去心

細辛

天麻

半夏湯泡

南星

白附子各一兩

右爲末。薑汁糊丸。綠豆大。別以硃砂爲衣。每服三十丸。臨臥。薑湯調下。

附方

八珍湯

十全大補湯

加味歸脾湯三方見二十四卷第四論

產後虛極生風方論第五

產後生風。因去血過多。氣無所主。以致脣青肉冷汗出。目眩神昏。急服濟危上丹。若投以風藥。則誤甚矣。

愚按。前症若心脾血氣俱虛。用十全大補湯。如不應。加附子、鉤藤、鉤。若肝經血虛。用逍遙散加鉤藤。經云。脾之榮在脣。心之液爲肝。若心脾二臟虛極。急用參附湯救之。

附治驗

一婦人患前症。或用諸補劑。四肢逆冷。自汗泄瀉。腸鳴腹痛。余以陽氣虛寒。用六君子。薑附各加至五錢。不應。以參附各一兩。始應。良久不服。仍腸鳴腹痛。後灸關兌穴百餘壯。及服十全大補湯方效。

濟危上丹

乳香研

五靈脂

硫黃

玄精石同研極細

阿膠

卷柏

桑寄生

陳皮等分

右將上四味。入石器內。微火炒。再研入餘末。用生地黃汁。丸桐子大。每服二十丸。食前溫酒。或當歸酒下。

當歸建中湯 治產後腹痛拘急。痛連腰背。自汗少食。

當歸

桂心各三兩

白芍藥六兩炒

甘草炙一兩

右每服五錢。薑棗水煎。入飴糖一匙服。如未應。加之。

附方

香附湯方見本卷後

十全大補湯

逍遙散二方見二十四卷第四論

六君子湯

方見二十四卷第六論

獨參湯。治一切失血。惡寒發熱。作渴煩躁。或口噤痰鳴。自汗盜汗。或氣虛脈脫。手足逆冷。蓋血生於氣。故血脫補氣。陽生陰長之理也。方見三卷第十四論

產後虛寒不止方論第六

產後汗不止者。皆由陽氣煩虛。腠理不密。而津液妄泄也。若遇風則變瘧。縱虛乏短氣。則身體消瘦。脣口乾燥。久則經水斷絕。由津液竭故也。

愚按。前症屬血氣俱虛。急用十全大補湯。如不應。用參附。耆附等湯。若汗多亡陽發瘧。尤當用前藥。王海藏先生云。頭汗出至頸而還。額上偏多。蓋額爲六陽之所會也。由虛熱薰蒸而出。竊謂前症當以部位分之。額左屬肝。額右屬肺。鼻屬脾。頤屬腎。額屬心。治者審之。仍參三卷第六論

附治驗

一產婦略聞音響。其汗如水而昏憤。諸藥到口卽嘔。余以爲脾氣虛敗。用參附末爲細丸。時含三五粒。隨液嚥下。乃漸加之。至錢許。却服參附湯而痊。

一產婦盜汗不止。遂致廢寐。神思疲甚。口乾引飲。余謂血虛有熱。用當歸補血湯。以代茶。又以當歸六黃湯。內黃芩連柏炒。更倍加大人參、五味子、二劑而愈。

麻黃根湯

治產後虛汗不止。身熱發渴。驚悸不安。

當歸

黃耆炒

麻黃根

牡蠣

煅爲粉

人參

甘草炒等分

右每服四錢。水煎。

一方。治產後自汗盜汗。胃氣虛弱。服別藥則嘔吐不能入。

當歸

黃耆各一兩

麻黃根二兩

右每服三錢。水煎。

治產後氣脫。汗不止。小便短少。四肢難以屈伸。

甘草

炙一兩

附子炮五錢

桂心

芍藥

炒各半

右每服三錢。薑棗水煎服。虛甚更加。以效爲度。

止汗散

牡蠣爲末半兩

小麥麩八兩炒黃

右每服三五錢。用猪肉汁調。

人參湯 治產後諸虛不足。發熱盜汗。內熱晡熱等症。

人參 當歸等分

右爲末。以猪腰子一枚切片。水二鍾。糯米半合。葱白二根。煮取汁八分。入藥三錢煎服。

附方

當歸六黃湯 治氣血虛熱。盜汗不止。不應。加人參、白朮。心血不足。加酸棗仁。炒

當歸 熟地黃自製 黃耆炒各二錢 生地黃

黃柏炒黑 黃芩炒黑 黃連炒黑各一錢

右水煎服。

參附湯 治陽氣虛寒。自汗惡寒。或手足逆冷。大便自利。或臍腹疼痛。吃逆不食。

或汗多發瘧等症。

人參一兩 附子炮五錢

作一服。薑棗水煎。徐徐服。去人參。加黃耆。名耆附湯。

當歸補血湯 治肌熱躁熱。目赤面紅。煩渴引飲。晝夜不息。脈洪大而虛。重按全無者。

當歸 三錢

黃耆 炙一兩

右水煎服。

十全大補湯

方見二十四卷第六論

耆附湯 治陽氣虛脫。惡寒自汗。或口噤痰湧。四肢逆冷。或吐瀉腹痛。飲食不入。及一切虛寒等症。

黃耆 一兩

附子 炮五錢

右作一劑。薑棗水煎服。如不應。倍加附子。方得全濟。

產後冒悶汗出方論第七

產後忽冒悶汗出者。因陰血虧損。陽氣鬱暴故也。急吞鷄子三枚。未醒。飲童便。或時復發。宜服竹瀝五合。

愚按。前症屬大虛。宜固元氣爲主。其汗不止。必變柔痙。東垣先生云。婦人分娩。

及半產漏下。昏冒目瞑。蓋因血暴亡而火上熾。但補其血則神自昌。若常時血下。當補而升舉其氣。陽得血而神安。則目明矣。今立一方。以補手足厥陰之血。兼益陽氣。名曰全生活血湯。

全生活血湯 治發熱自汗盜汗。目眈眈。四肢無力。口乾頭暈。行步欹側。

生地黃炒

柴胡

熟地黃

當歸各一錢

川芎

藁本各半錢

防風

羌活

獨活

葛根

甘草炒各二錢

蔓荊子

細辛各五分

升麻

芍藥炒各三錢

紅花三分

右每服五錢。水煎熱服。

產後汗多變瘕方論第八

產後汗多變瘕。因氣血虛損。肉理不密。風邪所乘。其形口噤。背強如癰。或搖頭馬嘶。不時舉發。氣息如絕。宜速灌小續命湯。若汗出如雨。手拭不及者。不治。愚按前症因去血過多。元氣虧極。或外邪相搏。以致牙關緊急。四肢痙強。或陰

火內動。或腰背反張。肢體抽搐。若有汗而不惡寒者。曰柔瘧。若無汗而惡寒者。曰剛瘧。出血過多。筋無所養。故傷寒汗下過多。潰瘍膿血大泄多患之。乃敗症也。急以十全大補湯治之。如不應。急加附子。多有復甦者。亦有六淫七情所致者。治法見第三卷第三論。

附治驗

一產婦牙關緊急。腰背反張。四肢抽搐。兩目連劄。此去血過多。元氣虧損。陰火熾盛。用十全大補。加炮薑一劑而甦。數劑而安。

余在吳江史萬湖第。時將入更。聞喧嚷。詢云。家人婦產後出直廚。忽仆而死。余意其勞傷血氣而發瘧也。急用十全大補加附子煎滾。令人正其面。開其口。灌之。久不能下。令側其面而出之。換以熱藥。如此五次。方得下咽。遂甦。

小續命湯 治剛瘧。或脚氣痺弱。不能轉舒。行步欹側。或口眼喎斜。牙關緊急。角弓反張。

麻黃	桂心	甘草	防風
芍藥	朮	人參	川芎
炒	炒		三兩

附子炮

防己酒拌

黃芩等分

右每服五錢。水煎。入薑汁少許。溫服。若自汗爲柔瘕。去麻黃。有熱去附子。減桂一半。盛冬初春。去黃芩。

十全大補湯

方見二十四卷第四論

產後口噤。腰背反張方論第九

產後口噤。由血氣虛而風邪乘於手三陽經也。蓋手三陽之筋。循結於頷。得風冷則筋急。故致口噤。腰背攣急。角弓反張者。是風邪入於諸陽之經也。

愚按前症。因血氣耗損。腠理不密。汗出過多而患之者。乃虛象也。宜固氣血爲主。佐以本方。丹溪云。產後當大補氣血爲先。雖有他症。以未治之。如惡寒發熱等症。乃氣血虛甚之極也。宜大劑參耆。歸朮肉桂。以培養之。如不應。急用炮附子。再不應。用人參一兩。炮附子二三錢。名參附湯。仍猶未應。乃藥力未能及也。宜多用之。

愈風散 治前症。用荊芥略焙爲末。每服三錢。豆淋酒下。童便亦可。其效如神。牙

緊。灌口鼻。

清順散

又名交解散

方見第二卷第五論

治婦人產後不省人事。吐涎。痙瘓。

當歸

荆芥穗等分

右每服三錢。水一盞。酒少許煎。灌下咽卽甦。

愚按前症如有未應者。急用大補氣血爲主。

產後中風。白癰皮一兩。或共獨活三兩。酒水煎服。

張仲文用白朮四兩。以酒煎頓服。

小續命湯 治產後口噤。角弓反張。見前

產後中風方論第十

產後中風。或血氣未復。風寒所感。以致筋攣拘急。口眼喎斜。或肢體緩弱。入臟則恍惚驚悸。郭稽中云。產後強力下床。或誤入房。或憂怒內傷臟腑。陳無擇曰。當以脈辨而治之。若努力下床。月內入房。憂怒着艾。非中風類。乃蓐勞火邪之症也。

愚按前症果外邪所屬。形氣不足。病氣有餘。當補元氣爲主。稍佐以治病之藥。若強力下牀。月內入房。屬形氣病氣俱不足。當純補元氣。多有復甦者。若誤投風藥。乃促其危也。仍參照第三卷諸論主之。

治產後身背拘急。妄言發熱。四肢拘攣。不時驚悸。

川芎

羌活

羚羊角屑

酸棗仁炒

芍藥炒黃各四兩

桑白皮六分

防風五分

右水煎分三服。

治產後中風。唇青鼻黑。用小續命湯連進三服即愈。

產後中風煩渴。用紅花子五合水煎。徐呷之。

獨活寄生湯。治前症亦良。仍與第三卷中風類通看。方見後

產後四肢筋攣方論第十一

產後中風。筋脈攣急。乃血氣俱虛。或風邪客於皮膚。則頑痺羸乏。若入於筋脈。則四肢攣急。皆由大經空虛。風寒乘虛而漸入也。